

Dumonda Niggli-Mathis (Grüsch) concernent la tuberculosa en il Vorarlberg vischin

Ils ultims onns hai dà pli e pli cas da tuberculosa tar ils tschiervs en il stadi federativ austriac vischin Vorarlberg. Cunquai ch'ils tschiervs da nossas vals al cunfin (Signuradi, Partenz ed Engiadina bassa) tschertgan lur quartier da stad en quests territoris, pon els vegnir en contact cun animals da la medema spezia ch'èn pertutgads da tuberculosa. Cur ch'els midan l'atun enavos en ils quartiers d'enviern en nossas vals, exista il privel d'importar questa epidemia nauscha en noss chantun. La transmissiun sin noss animals da niz sto pia vegnir considerata sco opziun reala. L'uffizi per la segirezza da victualias e per la sanadad d'animals (USVA) ha pervia da quai gia relaschè l'atun passà mesiras per ils territoris cunfinants en il Signuradi, en il Partenz ed en l'Engiadina bassa. Per l'agricultura indigena è quai ina spada da Damocles ed ils quitads creschan ad in crescher en nossas valladas. Tut las mesiras vegnan dentant a far naufragi, sch'il gnieu d'epidemia na vegn betg cumbatti massivamain er da la vart austriaca e sche la tuberculosa na vegn betg chatschada davent da noss cunfins.

En vista a quests fatgs supplitgan las sutsegnadras ed ils sutsegnaders la regenza da responder las suandantas dumondas:

1. Tge han la regenza ed il USVA fatg fin ussa en chaussa?
2. Tge pussaivladads han la regenza ed il USVA en il cumbat cunter l'epidemia en ils stadis federativs austriacs cunfinants?
3. Ha la regenza gia contactà la regenza dal Vorarlberg en chaussa e sche bain, èn vegnidas discutadas ed iniziadas pussaivladads da collavurar?
4. Tge mesiras vegnan prendidas, sch'i vegnan chattads en il Grischun animals selvadis cun tuberculosa?
5. Cun tge sancziuns stuessan far quint ils possessurs d'animals da niz en las valladas pertutgadas?

Cuira, il 1. da settember 2017

Niggli-Mathis (Grüsch), Albertin, Müller, Baselgia-Brunner, Blumenthal, Brandenburger, Buchli-Mannhart, Caduff, Cahenzli-Philipp, Casanova (Glion), Casty, Casutt-Derungs, Caviezel (Cuira), Clalüna, Cramer, Darms-Landolt, Deplazes, Dermont, Dosch, Epp, Fasani, Felix (Haldenstein), Felix (Scuol), Grass, Hardegger, Hug, Jaag, Jeker, Joos, Koch (Tumein), Kollegger, Komminoth-Elmer, Kuoni, Lamprecht, Lorez-Meuli, Mani-Heldstab, Mathis, Michael (Donat), Niggli (Samedan), Papa, Pedrini, Pult, Salis, Stiffler (Tavau Plaz), Tenchio, Toutsch, Vetsch (Pragg-Jenaz), von Ballmoos, Weber, Widmer-Spreiter, Costa, Geisseler, Gujan-Dönier, Sigron, Wellig